

高麗圖經

天

大正  
四年  
五月  
廿四日  
（印）

宣和奉使高麗圖經序

臣聞天子元正大朝會畢列四海圖籍於庭而王公侯伯萬國輻輳此皆有以揆之故有司所藏嚴密特甚而使者之職尤以是為急在昔成周職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民周知其利害而行人之官絡驛道路若慶賀犒餼之類凡五物之故莫不有治若康樂厄飢之類凡五物之辨莫不有書用以復命於王俾得以周知天下之故外史書之以為四方之志司徒集之以為土



地之圖誦訓道之以詔觀事土訓道之以詔地事此所以一人之尊深居高拱於九重而察四方萬里之遠如指諸掌當沛公初入關蕭何獨收秦圖書及天下已定而漢盡得知其阨塞戶口者繫何之功隋長孫晟之至突厥每游獵輒記其國土委曲歸表聞於文帝口陳形勢手畫山川卒以展異日之效然則乘輜軒而使邦國者其於圖籍固所先務矧惟高麗在遼東非若侯甸近服可以朝下命而夕來上故圖籍之作尤爲難也皇帝天德地業畢朝萬國乃眷高麗被遇神考益加懷徠遴



擇在廷將命撫賜恩隆禮厚前未之有時給事中臣允  
迪以通經之才起世之文取甲科著宿望中書舍人臣  
墨卿學問高明見於踐履恪守忠孝臨事不回茲命而  
行非獨其執節專對不減古人之庸使而風采聞望自  
足以壯朝廷之威靈聳外夷之觀聽拜命未行會聞王  
侯薨遂以奠慰之禮無往臣愚猥承人之獲聯使屬之  
末事之大者固從其長而區區得以專達者又不足以  
補報朝廷器使之萬一退而自訟曰周爰咨詢歌於皇  
華之詩則徧問以事正使者之職謹因耳目所及博采

衆說簡汰其同於中國者而取其異焉凡三百餘條釐  
爲四十卷物圖其形事爲之說名曰宣和奉使高麗圖  
經臣嘗觀崇寧中王雲所撰鷄林志始疏其說而未圖  
其形比者使行取以稽考爲補已多今臣所著圖經手  
披目覽而遐陬異域舉萃於前蓋倣聚米之遺制也雖  
然昔漢張騫出使月氏十有三年而後歸僅能言其所  
歷之國地形物產而已臣愚雖才不逮前人然在高麗纔  
及月餘授館之後則守以兵衛凡出館不過五六而驅  
馳車馬之間獻酬尊俎之上耳目所及非若十三載之

久亦粗能得其建國立政之體風俗事物之宜使不逃  
乎繪畫紀次之列非敢矜博洽飾浮剽以塵冕旒之聽  
蓋撫其事實以復於朝庶少逭將命之責也有詔上之  
御府謹掇其大槩爲之序云

宣和六年八月六日奉議郎充奉使高麗國信所提轄  
人船禮物賜緋魚袋臣徐兢謹序

仲父旣以書上御府其副藏家靖康丁未春里人  
徐周賓借觀未歸而寇至失書所在後十年家君  
漕江西弭節於洪仲父來省或謂郡有北醫上宜



生實獲此書。亟訪之。其無恙者。特海道二卷耳。仲  
父嘗爲歲言。世傳予書。往往圖亡而經存。余追畫  
之。無難也。然不果就。嘻。蓋棺事乃已矣。姑刻是畱。  
澂江郡齋來者。尚有考焉。乾道三年夏至日。左朝  
奉郎權發遣江陰軍主管學事徐歲書。

宣和奉使高麗圖經目錄

第一卷

建國

第二卷

世次

第三卷

城邑

第四卷

門闕

第五卷

宮殿一

第六卷

宮殿二

第七卷

冠服

第八卷

人物

第九卷

儀物一

第十卷

儀物二

第十一卷

仗衛一

第十二卷

仗衛二

第十三卷

兵器

第十四卷

旗幟

第十五卷

車馬

第十六卷

官府

第十七卷

祠宇



第十八卷

道教

第十九卷

民庶

第二十卷

婦人

第二十一卷

阜隸

第二十二卷

雜俗一

第二十三卷

雜俗二

第二十四卷

節仗

第二十五卷

受詔

第二十六卷

燕禮

第二十七卷

館舍

第二十八卷

供帳一

第二十九卷

供帳二

第三十卷

器四一

第三十一卷

器四二

第三十二卷

器四三

第三十三卷

舟楫

第三十四卷

海道一

第三十五卷

海道二

第三十六卷

海道三

第三十七卷

海道四

第三十八卷

海道五

第三十九卷

海道六

第四十卷

同文



卷之六  
詩  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

宣和奉使高麗圖經卷第一

建國

臣聞蠻夷君長類以詐力自尊殊名詭號單于可汗無足稱者獨高麗自箕子之封以德取侯後世稍衰他姓亦用漢爵代居其位上有常尊下有等衰故襲國傳世頗可紀錄今謹稽諸史敘其歷代之王作建國記云

始封

高麗之先蓋周武王封箕子胥餘於朝鮮實子姓也歷周秦至漢高祖十二年燕人衛滿亡命聚黨椎結服役

蠻夷沒有朝鮮之地而王之自子姓有國八百餘年而  
爲衛氏衛氏有國八十餘年先是夫餘王得河神之女  
爲日所照感孕而卽生旣長善射俗稱善射爲朱蒙因  
以名之夫餘人以其生異謂之不祥請除之朱蒙懼逃  
焉遇大水無梁勢不能渡因持弓擊水而咒之魚鱉竝  
浮因乘以濟至紇升骨城而居自號曰高句驪因以高  
爲氏而以高驪鄭刻下爲國凡有五部曰消奴部鄭刻下  
有曰絕奴部順奴部灌奴部桂婁部漢武帝滅朝鮮以  
高麗爲縣屬元菟郡其君長賜之鼓吹伎人常從郡受



朝服衣幘縣令主其名籍後稍驕不復詣郡於東界築

小城歲時受之因名幘溝淩溝淩者高麗名城也於是

始稱為鄭刻無王焉王莽發其兵以誅匈奴不至降王

為侯而麗人益寇邊光武中興麗遣邊吏建始八年遣

使來朝因復王號列為外藩安帝以後部衆滋熾雖少

鈎暴旋即賓服初消奴為王既衰而桂婁代之至王宮

生而閼目能視國人惡之及長壯勇和帝時頻掠遼東

傳至王伯固伯固死有二子長曰拔奇鄭刻有不肖次

曰伊夷模國人立為漢末公孫康擊破伊夷模於其國

北都山下國人共立其子位宮位宮亦有勇力好鞍馬

以其祖宮生而能視今王亦然句驪謂相似為位故名

鄭刻有位宮魏將母上儉屠之追至甫今上衛名刻

石紀功而遷位宮五世孫劉晉永嘉中與遼西鮮卑慕

容鹿鄰鹿不能制康帝建元初鹿子執帥師伐之大敗

後為百濟所滅其後慕容寶以其王高安為平州牧安

孫璉義熙中遣長史孫翼獻赭白馬以為營州牧高麗

王樂浪郡公璉七世孫元隋文帝時韃韞寇遼東唐

太宗時其東部大人蓋蘇文賊虐不道帝親征之威震

遼海高宗又命李勣討平之俘其王高藏裂地而爲郡縣建安東都護府於平壤城以兵鎮守後武后遣將擊殺其主乞昆羽而立其主乞仲象亦病死仲象子祚榮立因有其衆四十萬據於桂婁臣於唐中宗時乃置忽汗州以祚榮爲都督渤海郡王其後遂號渤海初藏之俘也其酋長有劍牟岑者立藏外孫舜爲王又命高侃討平之都護府旣屢遷舊城頗入新羅遺民散奔突厥靺鞨高氏旣絕久而稍復至唐末遂王其國後唐同光元年遣使來朝國王姓氏史失不載長興二年王建權

知國事遣使入貢遂受爵以有國云



宣和奉使高麗圖經卷第二

世次

臣聞史家之法傳遠者略而近者詳高麗歷世之王臣  
既以繫敘之於前矣若乃王氏建國累世尊事本朝至  
王俱與今王楷又享禮加厚不可不條著之謹因其世  
次宗系而嗣以楷之行事云

王氏

王氏之先蓋高麗大族也當高氏政衰國人以建賢遂  
共立為君長後唐長興三年遂自稱權知國事請命於

明宗乃拜達元菟州都督充大義軍使封高麗王晉開  
運二年建卒子武立漢乾祐末武卒子昭立至皇朝建  
隆三年太祖皇帝御極奄有萬國昭遣使來朝賜以功  
臣之號仍加食邑開寶九年昭卒子由立遣使請命封  
高麗國王太宗皇帝卽位改封大順軍使太平興國七  
年由卒弟治上章乞襲封詔從之淳化六年契丹攻之  
治畏懦無守臣事止境遂闕朝貢治卒弟誦立咸平三  
年其臣朱仁紹入朝具言國人思慕皇化逼於強鄰未  
能如願朝廷嘉之賜詔褒諭大中祥符七年誦卒弟詢

權知國事大破契丹復謹脩貢且乞降尊號頒正朔又  
求封冊真宗皇帝初欲俯從議者難之遂寢止從班詔  
而已天聖中使人屢與女真偕來貢方物天子加恩報  
禮優異後詢卒子隆立優柔不斷政荒力屈憚於北境  
遂復臣事之而貢使又絕隆卒私謚曰正子德王欽欽  
弟穆王亨皆朝貢不通而朝廷亦罷遣使亨弟徽熙寧  
四年以權知國事復脩方貢七年九年使人荐至神宗  
皇帝嘉其忠蓋元豐元年命左諫議大夫安燾爲國信  
使起居舍人陳睦副之自明州定海絕洋而往時徽病


風痺僅能拜命且乞醫藥上覽其奏從之三年四年遣使來朝六年徽卒立凡三十八年謚曰文世子勳立百日卒弟國原公運立命左諫議大夫楊景略爲祭奠使禮賓使王舜封副之右諫議大夫錢勰爲弔慰使西上閣門副使朱球副之七年七月自密之板橋航海而往八年哲宗皇帝踐祚使來奉慰又遣使來賀運立四年卒謚曰宣子堯立未閱歲而以病廢國人乃請其叔熙攝政未幾而堯卒謚曰懷熙乃襲位自元祐五年至元符元年貢使再至三年遣使綏撫遵元豐故事止皇帝



嗣位適追來孝丕承先烈薄海內外無不臣妾德被藩  
服恩行海隅迺者崇寧元年命戶部侍郎劉逵給事中  
吳拭持節往使禮物豐腆恩綸昭回所以加惠麗國而  
褒寵鎮撫之以繼神考之志益大而隆二年五月由明  
州道梅岑絕洋而徃時熙避契丹嫌名改熙曰顯然自  
神考有作務來遠人天相睿謨王徽襲爵以承其旨殆  
非偶然徽忠順循理知尊中國館待使華禮意勤厚至  
遇賈人亦有體貌治尚仁恕享國久長宜矣崇寧二年  
顯卒年五十世子保立自長興三年壬辰迄今宣和六

年甲辰王氏有國九世凡十七人合一百九十三年云

世系



高麗國王王楷

楷王保之世子也。壬寅春三月，保病革，召李資謙入議嗣事。夏四月，保薨。資謙等乃立楷為王。楷眉宇疎秀，形短而貌豐，肉勝於骨，性慧多學，亦甚嚴明。在春宮時，官屬有過，必遭譴辱。既立，雖幼冲，國官頗畏憚之。廼者信使至彼，受詔拜表，行燕饗禮，升降進退，綽有成人之風，亦當為東夷之賢王也。

封境

高麗南隔遼海西距遼水北接契丹舊地東距大金又  
與日本琉球暹羅黑水毛人等國犬牙相制惟新羅百  
濟不能自固其國爲麗人所并今羅州廣州道是也其  
國在京師之東北自燕山道陸走渡遼而東之其境凡  
三千七百九十里若海道則河北京東淮南兩浙廣南  
福建皆可往今所建國正與登萊濱隸鄭刻作  
濱隸相望自  
元豐以後每朝廷遣使皆由明州定海放洋絕海而北  
舟行皆乘夏至後南風風便不過五日卽抵岸焉舊封



境東西二千餘里南北一千五百餘里今既并新羅百

濟東北稍廣其西北與契丹相接鄭刻云與契丹接連昔以大遼

爲界後爲所侵迫乃築來遠城以爲阻固然亦恃鴨綠

以爲險也鴨綠之水源出靺鞨其色如鴨頭故以名之

去遼東五百里經國內城又西與一水合卽鹽難水也

二水合流西南至安平城入海高麗之中此水最大波

瀾清澈所經津濟皆蟻巨艦其國恃此以爲天塹水濶

三百步在平壤城西北四百五十里鄭刻有遼水東西四百八十里句

自遼已東卽舊屬契丹今虜衆已亡大金以其地不毛

不復城守徒爲往來之道而已。鴨綠之西又有白浪黃  
窩二水自頗利城行數里合流而南是爲遼水。唐貞觀  
間李勣大破高麗於南蘇。旣渡怪其水淺狹問之云是  
遼源。以此知前古未嘗恃此水以爲固。此高麗所以退  
保鴨綠之東歟。

形勢

高麗素知書明道理拘忌陰陽之說故其建國必相其  
形勢可爲長久計者。然後宅之。自漢末徙九都山下。後  
魏至唐皆居平壤。至李勣平其地建都護府則嘗遁寄

稍東不詳其所唐末復國當是今所都地蓋嘗爲開州

今尚置開成

鄭刻城

府其城址據崧山其勢自乾亥來至

山之脊稍分爲兩歧更相環抱陰陽家謂之龍虎臂以

五音論之王氏商姓也西位欲高則興乾西北之卦也

來崗亥落其右一山屈折自西而北轉至正南一峯特

起狀如覆盂因以爲案外復有一案其山高倍坐向相

應實

鄭刻實

主丙壬其水發源自崧山之後北直子位轉

至艮方委蛇

鄭刻曲

入城由廣化門稍折向北復從丙

南地流出已上蓋乾爲金金長生在巳是爲吉卜自崧

山之半下瞰城中左溪右山後崗前嶺節刻前林木叢  
茂形勢若飲澗蒼虬宜其保有東土歷年之久而常爲  
聖朝臣屬之國也

國城

高麗自唐以前蓋居平壤本漢武帝所置樂浪郡而唐  
高宗所建都護府也以唐志考之平壤城乃在鴨綠水  
東南唐末高麗君長德累世兵革之難稍徙而東今王  
城在鴨綠水之東南千餘里非平壤之舊矣其城周圍  
六十里山形繚繞雜以沙礫隨其地形而築之外無壕



塹不施女牆列太上御名。延屋如廊廡狀頗類敵樓

雖施兵仗以備不虞而因山之勢非盡堅高至其低處

則不能受敵萬一有警信知其不足守也外門十二鄭刻

誤十各有標名舊志纔知其七今盡得之正東曰宣仁

舊不見名止曰崇仁舊曰東門。曰安定舊曰須恤乃

曰東大門。曰東南曰長霸鄭刻求門。正南曰宣華舊不白會

恤作須知賓曰泰安舊曰真觀西南曰光德舊曰正州亦通其路

正西曰宣義曰狻猊正北曰北昌舊曰崧山特登山東

北曰宣祺舊曰金郊西南隅王府宮室居之其東北隅

卽順天館極加完葺西門亦壯麗蓋爲中朝人使設也  
自京市司至興國寺橋由廣化門以迄奉先庫爲長廊  
數百間以其民居隘陋參差不齊用以遮蔽不欲使人  
洞見其醜東南之門蓋溪流至巳方衆水所會之地其  
餘諸門官府宮祠道觀僧寺別宮客館皆因地勢星布  
諸處民居十數家共一聚落井邑街市無足取者總其  
建國大槩而圖之其餘則互見於別篇

### 樓觀

王城昔無樓觀自通使以來觀光上國得其規模稍能

大上衛治初惟王城宮寺有之今官道兩旁與國相當  
人稍稍僭侈入宣義門每數十家則建一樓俯近與國  
寺二樓相望左曰博鄭刻濟右曰益平王府之東二樓  
臨衢不見標榜簾幙華燠聞皆王族遊觀之所人使經  
由則有婦女窺覷於其閒衣服之飾不異民庶或云王  
每出遊則其族始易錦繡也

### 民居

王城雖大硲确山壑地不平曠故其民居形勢高下如  
蜂房蟻穴誅茅爲蓋僅庇風雨其大不過兩椽比富家

稍置瓦屋然十纔一二耳舊傳惟娼優所居捐長竿以  
別良家今聞不然蓋其俗淫祠鬼神亦厭勝祈禳鄭列  
之具耳

### 坊市

王城本無坊市惟自廣化門至府及館皆爲長廊以蔽  
民居時於廊閒榜其坊門曰永通曰廣德曰興善曰通  
商曰存信曰資養曰孝義曰行遜其中實無街衢市井  
至有斷崖絕壁蒼莽繁蕪荒墟不治之地特外示觀美  
云耳



貿易

高麗故事每人使至則聚爲大市羅列百貨丹漆繒帛  
皆務華好而金銀器用悉王府之物及時鋪陳蓋非其  
俗然也崇寧大觀使者猶及見之今則不然蓋其俗無  
居肆惟以日中爲墟男女老幼官吏工伎各以其所有  
用以交易無泉貨之法惟紵布銀瓶以準其直至日用  
微物不及匹兩者則以米計鎰銖而償之然民久安其  
俗自以爲便也中閒朝廷賜予錢寶中閒下鄭刻註云  
關六字案文義似  
無關今皆藏之府庫時出以示官屬傳玩焉

郡邑

州縣之建實不副名特聚落之繁處自國之西北與契丹大金接境粗有壘塹其東南濱海亦有建於島嶼者惟西京最盛城市略如王城又有三京四府八牧又爲防禦郡一百一十八爲縣鎮三百九十爲州島三千七百皆設守令監官治民惟牧守都護公廨數楹令長則隨時在舍於居民夷政租賦之外無健訟在官者公田不足以資用則亦仰給於富民云

宣和奉使高麗圖經卷第四

門闕

臣聞黃帝堯舜尚象於豫乃設重門擊柝以待暴客後世聖人又差尊卑而爲之等故天子之門曰臯曰庫曰雉曰應曰路凡五諸侯則去其二焉曰庫曰雉曰路而已魯爲周公後而新作雉門兩觀且不逃春秋之譏況其他侯乎高麗門闕之制亦頗遵古侯禮雖其屢聘上國亦頗效顰學步然材之工拙終以朴陋云

宣義門

宣義門卽王城之正西門也西爲金方於五常屬義故以名之其正門二重上有樓觀合爲瓮城南北兩偏別開門相對各有武夫守衛其中門不常開惟王與使者出入餘悉由偏門也自碧澗亭以至西郊乃過此門而後入館王城之門唯此最大且華蓋爲國朝人使設也

### 外門

王城諸門大率草創唯宣義門以使者出入之所北昌門爲使者回程祠廟之路故極加嚴飾他不逮也自會賓長霸等門其制略同惟當其中爲兩戶無尊卑皆得



出入其城皆無夾柱護以鐵簞上爲小廊隨山形高下而築之自下而望崧山之脊城垣繚繞若蛇虺蜿蜒之形長霸門通安東府廣德門通正州宣仁門通揚全羅三州崇仁門通日本安定門通慶廣清三州宣祺門通大金國北昌門通三角山薪炭松子布帛所出之道也

### 廣化門

廣化門王府之偏門也其方面東而形制略如宣義獨無瓮城藻飾之工過之亦開三門南偏門榜儀制令四字北門榜周易乾卦繇辭五字仍有春帖子云靈痕尚

在三雲陛日脚初升五鳳樓百辟稱觴千萬壽袞龍衣  
上瑞光浮

昇平門

昇平門卽王宮之正南門也上爲重樓旁起兩觀三門  
並列制益宏大四阿各有銅火珠爲飾自門之內左右  
分爲兩亭皆曰同樂矮牆幾百堵相屬以至神鳳門而  
門之制又壯大於昇平矣東曰春德通世子宮西曰太  
初通王居備坐又十餘步卽閭闔門乃王奉迎詔書之  
所也左右兩掖有承天門自是而上山勢稍逼中庭隘

狹去會慶殿門

鄭刻有外字

不過數丈耳昇平神鳳闔闔三

門制度文采大抵相類而神鳳爲冠題榜之字金書朱地有歐率更之體大抵麗人多法古不敢以臆說已見而妄爲俗體也

### 同德門

同德左右二門相對其中卽昇平門也形制略似殿門而極高惟無臺觀昌德會賓春宮承休其制與同德不異特閣門與承天二門差褊爾

### 殿門

會慶殿門在山之半石梯磴道高可五丈蓋正殿之門也並列三門中門惟詔書得入王與人使分左右而行門外列戟二十四枝甲冑之士執其儀衛守衛甚衆特嚴於他門爾



宣和奉使高麗圖經卷第五

宮殿一

臣仰惟神宗皇帝誕敷文教覃被遐方貢琛面內者梯  
航胥至惟高麗尤加禮遇因遣近侍銜命綏撫嘗頒睿  
旨凡相見處殿名鷗吻更不同避以是知聖謨宏遠不  
責蠻夷以小節而嘉其忠順之大義也夏童止虜氈城  
穹廬四時隨水草溫涼遷徙初無定都若高麗自前史  
已載其依山谷而居少田業力作不足以自資其俗節  
於飲食而好脩宮室故至今王之所居堂太上衛名○  
構○鄒刻下

有仍在二字圓櫺方頂飛翬連薨丹碧藻飾望之潭潭然依崧山之脊踏道突兀古木交陰殆若嶽祠山寺而已今繪其形制仍不廢其名也

### 王府

王府內城環列十三門各揭名額隨方見義惟廣化門正東通長衢殿門十五惟神鳳爲最華內府十六尚書省爲冠九殿參差會慶爲正寢三閣鄭刻鼎峙清燕爲壯麗復有小殿以爲燕居之所日視事於便座惟施茵褥於榻上國官親侍跪列其側聽受王旨次第傳出大

臣五日一見每見直至大堂案鄭刻無每見直至大堂句有別有議政之堂句

餘官則朔望之外四見於王聽旨受令鄭刻凡有事當

上案鄭刻無凡有事當上五字有則立於門外惟執七字奏官當門授之升階復

位皆脫屣膝行而進退往來廷趨必面王罄折其謹如

此至餘屋宇則皆草創名浮於實不足詳記析而圖之

或互見於諸篇也

### 會慶殿

會慶殿在閭闔門內別有殿門規模甚壯基址高五丈餘東西兩階丹漆欄檻飾以銅花文彩雄麗冠於諸殿

兩廊通三十間中庭甃石地虛不堅行則有聲常禮不敢居惟人使至則受詔拜表於庭下燕會則設使副之席於殿之西楹東向上節位於東序中節位於西序下節位於門之兩廡而止向餘禮則別殿以別之

### 乾德殿

乾德殿在會慶殿之西北別有殿門其制五間視會慶殿差小故事人使至彼第三會王禮加勤時出姬侍則燕於其中被使者至楷以拘衣制不講惟同會慶酬酢而止若朝廷非專遣使雖郡吏使臣持牒傳命亦燕於



此殿時禮文有隆殺耳

### 長和殿

長和殿在會殿之後直止一崗地勢高峻形制益隘不  
逮乾德兩廡皆帑藏其東貯聖朝所錫內府之珍其西  
以儲其國金帛之類警備之卒視他所加嚴焉

### 元德殿

元德殿在長和殿之後也地勢益高營治草率聞其王  
不常居惟鄰國侵逼遑隄有警則卽之發兵命將若刑  
殺樞要之事則與近臣親密者一二人議決於此

萬齡殿

萬齡殿在乾德殿之後

基太上御名

差小而藻飾華麗益

寢室也。姬嬪侍女於兩廡列室而環居。自崧山之半下視其室奧亦不甚寬敞。諒其姬侍之數亦稱其居耳。

宣和奉使高麗圖經卷第六

宮殿二

長齡殿

長齡殿在乾德之東紫門內其制三間雖華煥不逮萬齡而規模過之每中朝使者欲行前期必有先書介紹至則於此受之賈人之至境遣官迎勞舍館定然後於長齡受其獻計所直以方物數倍償之

長慶殿

長慶重光宣政三殿舊記雖載其名今聞更脩重光長

慶易爲便

鄭刻別

殿恐是今建閣

鄭刻闕

之地宣政卽外朝

也歲時與其臣屬會飲王誕日亦有節名王保以八月

十七日生謂之咸寧其日大會公族貴臣近侍於長慶

中國賈人之在館者亦遣官爲筵伴用華夷二部樂亦

有致語嘗記其口號曰當時瑞色照宮林和氣濃濃破

積陰香火千家祈國壽笙歌二部樂賓心興酣日影移

珠箔舞罷花枝倒玉簪須盡清歡酬美景從容莫訴酒

杯深

延英殿閣



延英殿閣在長齡之北制度大小略如乾德王於此親

試進士又其北曰慈和亦為燕集之處前建三閣案下飛敘

寶文清讌不及臨川三字似當作二曰寶文以奉累聖所錫詔書西曰清

燕以藏諸史子集嘗太上御得其燕記文曰開府儀同

三司守太保兼門下侍郎監鄭列兼脩國史上柱國江陵

郡開國侯食邑一千三百戶食實封三百戶臣金綠奉

教撰通奉大夫寶文閣學士左散騎常侍上護軍唐城

郡開國男食邑三百戶賜紫金魚袋臣洪灌奉教書并

篆額王以聰明淵懿篤實輝光之德崇尚儒術樂慕華

風故於大內之側延英書殿之北慈和之南別創寶文  
清燕二閣以奉聖宋皇帝御製詔敕書畫揭為訓則必  
拜稽肅容然後仰觀之一以集周孔軻雄以來古今文  
書日與老師宿儒討論敷暢先王之道藏焉脩焉息焉  
游焉不出一堂之上而三綱五常之教性命道德之理  
充溢乎四履之間越今年丁酉夏四月甲戌有二三鄭刻  
日特召守太傅尚書令帶方公臣備守太傅尚書公太  
原公臣俸守太保齊安侯臣偕守太保通義侯臣僑守  
太保樂浪侯臣景庸門下侍郎臣偉門下侍郎臣資諫

臣緣中書侍郎臣仲璋參知政事臣駿守司空臣至和  
樞密院使臣軌知樞密院事臣字之同知樞密院事臣  
安仁等置高會於清燕閣乃從容謂曰予顧德不鄭刻  
字類賴天降康廟社儲祉金革偃於三邊文軌同乎中  
夏凡立政造事大小云爲罔不資稟崇寧大觀以來施  
設注措之方其於文閣經筵求訪儒雅遵宣和之制也  
深堂密席延見輔臣法太清之宴也雖禮有隆殺而優  
賢尚能之意則其致一也今入朝進貢使資諒齎桂香  
御酒龍鳳茗團珍果寶皿來歸嘉與卿等樂斯威美臣

僚皆惶駭恐懼退伏階陛辭以固陋不敢干盛禮王趣  
令就座溫顏以待之備物以享之其供張之設器皿之  
列觴豆之實果核之品則六尚之名珍四方之美味無  
一不具復有上國玻梨馬瑙翡翠犀兕瑰奇玩用之物  
交錯於桯上塤箎控謁琴瑟鍾磬安樂雅正之聲合奏  
於堂下王執爵命近臣監勸曰君臣交際惟以至誠其  
各盡量不辭而飲左右再拜告旨而卒爵或獻或酬和  
樂孔偕及觴酒九行且令退息續有中貴人押賜襲衣  
寶帶以將其厚意焉既而復召促席而坐使飲食舉措



各自便或開懷以言笑或縱目以觀覽欄楯之外疊石  
成山庭除之際引水爲沼齒萃萬狀清淳四徹洞庭吳  
會幽勝之趣生而終宴無憚暑之意盡醉劇飲夜艾而  
罷於是縉紳士大夫舉欣欣然有喜色而相告曰吾王  
以慈儉爲寶而無肆溢之行衣不御文繡器不用雕鏤  
猶慮一夫之不得所一事之不合度每日焦勞惻怛於  
膏肝之中至於燕羣臣嘉賓則發鄭刻內府之寶藏傾  
上國之異恩而窮日之力以火繼之猶不以爲侈其尊  
賢重禮好善忘勢之心實可謂高出百王之上矣臣嘗

聞昔魯公用天子禮樂以化成風俗故於泮宮則先生  
君子與之爲樂其詩曰魯侯戾止在泮飲酒既飲旨酒  
永錫難老燕於路寢則大夫庶士與之相宜其詩曰魯  
侯燕喜宜大夫庶士邦國是有既多受祉今吾君奉天  
子恩意以寵待臣鄰故公卿大夫懷天保報上之意言  
語法從賦我有嘉賓之詩替史歌工作君臣相悅之樂  
懽忻交通禮儀章鄭列度當斯時也人靈之和氣天地  
之休應上下之施報風俗之化源皆出於飲食衎衎載  
色載笑之間豈止永錫難老既多受祉而已耶必當億

萬斯年享太平之福而對揚天子永永無疆之休臣愚  
且拙遭逢萬幸代匱宰鄭刻府不以臣之不材特有害  
命之事辭不獲已謹拜手稽首而強爲之記

### 臨川閣

臨川閣在會慶殿西會東門內爲屋四楹窗戶洞達外  
無重簷頗類臺門非燕集之地其中藏書數萬卷而已

### 長慶宮

長慶宮在王府之西南由崑山麓有二小徑北通王府  
東通宣義門長衢老屋數十楹王顯諸妹居其中後出

適人遂虛其地荒蕪益甚俱疾革又卽之醫治已而不  
起因以爲祠奉之所保之侍姬與其舊僚屬十數人守  
之比使者銜齎春之隆遵元豐舊制祭奠前王吊慰其  
嗣皆於長慶拜而受之

### 左春宮

左春宮在會慶殿之東春德門內王之嫡長子初立曰世  
子旣冠而後居之屋宇制度殺於王宮其大門榜曰太  
和次曰元仁次曰育德聽事之堂無榜梁棟脩偉屏上  
書文王世子篇亦建官屬十數人右春宮在昇平門外



御史臺之西王之姊妹諸女居之案此條末二行鄭刻闕十二字

### 別宮

王之別宮與其子弟所居皆謂之宮王母妃姊妹別居者給宮受田以奉湯沐或空不居許民射其利而供祖賦鷄林宮在王府之西扶餘宮在由巖山之東鄭刻又有辰韓鄭刻朝鮮長鄭刻安樂浪下韓金冠六宮分置城內皆王伯叔昆弟之居也王繼母之宮鄭刻號積慶今公族不見顯位而別宮十室九空其田土昔領於壽昌鄭刻土昔二案此條今皆屬之王府又置官以掌之鄭刻共

圖四十  
四字

（The following text is extremely faint and largely illegible due to fading and bleed-through from the reverse side of the page. It appears to be a series of vertical columns of Chinese characters, likely a descriptive text or a list related to the 'Figure 40' mentioned in the header. The text is arranged in approximately 10-12 columns, reading from right to left.)

宣和奉使高麗圖經卷第七

冠服

臣聞東夷之俗，斷髮文身，雕題交趾。高麗自箕子封時，已教以田蠶之利，則當有衣冠矣。漢史補其公會衣服，皆錦繡金銀首飾。而太加主簿著幘如冠，小加著折風如弁。宣依倣商周冠弁之制，而然乎。唐初稍服五采，以白羅爲冠，革帶金珥。鄭刻云革帶皆金飾逮我中朝，歲通信使，屢賜襲衣，則漸漬華風，被服寵休，翕然丕變。一遵我宋之制度焉，非徒辭辭削衽而已也。然而官名參差，朝衣燕

服時有同異者謹列之作冠服圖云

### 王服

王常服

鄭刻王上  
有高麗字

烏紉高帽褰袖緹袍紫羅勒中閒繡

金碧其會國官士民則加幘頭束帶祭則冕圭惟中朝

人使至則紫羅公服象笏玉帶拜舞忭蹈極稱鄭刻謹臣

節或

鄭刻有  
聞字

平居燕息之時則阜巾白紵袍與民庶無

別也

### 令官服

高麗建官唐武德間有九等一曰大對鄭本此下凡關  
二百八十一字



以國相條末樞密使副同知院奏  
靈總知國事次曰太  
事等官通詳服之句誤接於下

大兄次曰鬱折次曰大大夫人使者次曰衣頭大兄掌  
機密謀政事遣發兵馬選授官爵次曰大使者次曰大  
兄次曰位使者次曰上位使者次曰小兄次曰諸過節  
次曰先人又有掌賓客鴻臚卿以大兄使者爲之又有  
國子博士通事舍人典書客皆小兄以上爲之又諸大  
城置僭薩比諸督諸城置處問近支比刺史亦謂之道  
使其武官曰大模達比衛將軍阜衣頭大兄以上爲之  
次曰末客比中郎將以大兄以上爲之其次領千人以

下各有等差。今其官稱勳秩，往往竊倣中朝，或詰其由，則曰：「遵用開元故事。」至其衣冠，亦或似之。前世臣服以青羅爲冠，絳羅爲珥，飾以羽毛。比年國官悉以紫文羅袍，紬製幘頭，其玉帶佩金魚。惟官至太史、太尉、中書令、尚書令者，則服之。

### 國相服

國相之服，紫文羅袍，毳文金帶，仍佩金魚。侍中、太尉、司徒、中書門下侍郎、平章事、參知政事、左右僕射、政堂文學、判尚吏部。

鄭刻以上皆闕事字以下誤接上條一曰大對句下口又案鄭刻事上有盧字蓋自

上條大對下  
靈宇之誤也  
事樞密使副同知院奏事等官通許服之

近侍服

近侍之服紫文羅袍御仙金帶仍佩金魚自左右常侍御史大夫左右丞六尚書翰林學士承旨學士以上及祇待國朝使命接伴館伴官悉服之

從官服

從官之服紫文羅袍御仙金帶御史中丞諫官給事侍郎州牧畱守使副閣門執贊六尚直官鄭刻都知兵馬四部護使等與其非泛恩數悉服之王之世子及王之

兄弟亦然

卿監服

卿監之服

卿列

文羅袍紅鞢犀帶仍佩銀魚六寺卿

貳省部丞郎國子儒官祕書典職以上悉服之

朝官服

朝官之服緋文羅袍黑鞢角帶仍佩銀魚司業博士史

館校書太醫司天兩省錄事以上悉服之其卿列有階

官亦限年數必待遷升而後改易也館伴見中朝人使

於館中則各置二人服緋前導惟不佩魚當是倣本朝



朱衣雙引之制也

庶官服

庶官之服綠衣木笏幘頭烏鞢鞢刻自進士入官省曹  
補吏州縣令尉主簿司宰等悉服之

卷之四

四

...

...

...

...

...

...

...

宣和奉使高麗圖經卷第八

人物

臣聞東南之夷高麗人材最盛仕於國者唯貴臣以族  
望相高餘則或由進士選或納貲爲之與夫世祿吏職  
莫不有等故有職有階有勲有使鄭刻有檢校有功臣  
有諸衛仰稽本朝官制而以開元禮參之然而名實不  
稱清濁混淆徒爲虛文耳今使者入境皆擇臣屬通敏  
者付以將迎之禮以州牧則有若刑部侍郎知全州吳  
俊和禮部侍郎知清鄭刻州洪若伊戶部侍郎知廣州

陳淑以迎勞餞送則有若銀青光祿大夫吏部侍郎朴  
昇中開府儀同三司守太保中書侍郎中書門下平章  
事金若溫開府儀同三司守太保門下侍郎同中書門  
下平章事崔洪宰開府儀同三司守太保門下侍郎兼  
中書門下平章事林文友同知樞密院事拓俊京李資  
德凡此皆王之侍臣也除王府四會之外與之燕飲酬  
酢衍衍如也以私覲送遺則有若戶部侍郎梁麟金惟  
棟刑部侍郎林景清工部侍郎盧令琚中侍大夫黃君  
裳工部郎中鄭俊左司郎中李之甫殿前承旨林寵臣



朝散郎祕書丞金端鄭刻閣門使金輔臣閣門通事舍

人李穎之曹祺內殿崇班胡仁穎引進使王儀閣門祇

候高唐愈敏仲衡通事舍人李漸梁文矩中衛郎劉及

中亮郎彭京忠訓郎王承成忠郎李俊琦金世安保義

郎李俊異承節郎許宜何景陳彥卿以傳命贊導則有

若正議大夫禮部尚書金富佾通議大夫殿中監鄭覃

尚書李璿中亮大夫知閣門事沈安之中亮大夫閣門

副使劉文志閣門引進使金義元閣門通事舍人沈起

王洙金澤李銳材金純正黃觀李淑陳迪閣門祇候尹

仁勇朴承鄭擇陳備通事舍人李德升吳子嶼卓安皆  
以才能辯博乃膺是選爰自相見以迄言旋其相與燕  
樂游觀揖遜之儀文采雍容有足觀者今姑自李資謙  
而下圖其形者五人并其族望而爲之說

序太師尚書令李資謙

高麗素尚族望而國相多任勳戚自王運娶李氏之後  
而俱爲世子時亦納李女爲妃由是門戶始光顯資謙  
之兄資義在前代時已爲國相坐事流竄故資謙視履  
車之戒每自修飭保深信重之使爲春宮傳友時楷尚

冲幼資謙博學多聞之士八人以尊翊之如金端輩  
頃自本朝賜第歸國正預選掄壬寅夏四月俟薨諸弟  
爭立先是顯有五子而俱居長資謙既立楷仲父帶方  
公備意欲奪其位遂與門下侍郎韓繳如樞密使文公  
美謀爲不軌而禮部尚書李永吏部侍郎鄭克永兵部  
侍郎林存等十餘人爲內應未及舉而謀泄卽擒捕下  
吏資謙乃諷王放備於海島而誅羣惡連逮支黨數百  
人故以定亂之功進封太師益加食邑采地位尚書令  
資謙風姿

鄭刻

凝靜儀矩雍容好賢樂善雖秉國政頗

知推尊王氏在夷狄中能扶獎王室亦可謂賢臣矣然而  
信讒嗜利治田疇第宅阡陌相連制度侈靡四方饋遺  
府內常數萬斤他皆稱是國人以此鄙之借哉

接伴正奉大夫刑部尚書柱國賜紫金魚袋尹  
彥植

尹氏素以儒學知名權在王侯時爲樞府嘗朝貢至中  
國而彥植乃其子也世與李氏通昏又與賁謙厚善楷  
在春宮而彥植亦預引翼之列故楷立而進官崇貴彥  
植美風姿人質脩偉宛然有儒者之風不可以蠻夷接



之也

同接伴通奉大夫尚書禮部侍郎上護軍賜紫

金魚袋金富軾

金氏世爲高麗大族自前史已載其與朴氏族望相埒  
故其子孫多以文學進富軾豐貌碩體面黑目露然博  
學強識善屬文知古今爲其學士所信服無能出其右  
者其弟富轍亦有時譽嘗察訪其兄弟命名之意益有  
所慕云

館伴金紫光祿大夫守司空同知樞密院事上

柱國金仁揆

金景融王顯世太傅守中書令仁揆卽其子也顯父徽  
嘗娶金氏女顯於仁揆有元舅之尊韓繳如等叛李資  
謙挾王楷以誅羣惡而仁揆與有力焉故進位司空使  
居樞府仁揆頗而美髯貌魁秀進止端重爲所擇以  
接使華也

同館伴正議大夫守尚書兵部侍郎上護軍賜  
紫金魚袋李之美

高麗每中朝人使至必遴擇人材或經朝貢者以爲館

伴之美卽資謙之予風貌美秀往嘗入覲天闕住館累  
月其國事無巨細悉稟之之美處決無不中禮進趨詳  
雅綽有華風每言及朝廷必惓惓有傾葵之意其忠誠  
亦可嘉尚云

此書之  
卷一  
卷二  
卷三  
卷四  
卷五  
卷六  
卷七  
卷八  
卷九  
卷十  
卷十一  
卷十二  
卷十三  
卷十四  
卷十五  
卷十六  
卷十七  
卷十八  
卷十九  
卷二十  
卷二十一  
卷二十二  
卷二十三  
卷二十四  
卷二十五  
卷二十六  
卷二十七  
卷二十八  
卷二十九  
卷三十  
卷三十一  
卷三十二  
卷三十三  
卷三十四  
卷三十五  
卷三十六  
卷三十七  
卷三十八  
卷三十九  
卷四十  
卷四十一  
卷四十二  
卷四十三  
卷四十四  
卷四十五  
卷四十六  
卷四十七  
卷四十八  
卷四十九  
卷五十  
卷五十一  
卷五十二  
卷五十三  
卷五十四  
卷五十五  
卷五十六  
卷五十七  
卷五十八  
卷五十九  
卷六十  
卷六十一  
卷六十二  
卷六十三  
卷六十四  
卷六十五  
卷六十六  
卷六十七  
卷六十八  
卷六十九  
卷七十  
卷七十一  
卷七十二  
卷七十三  
卷七十四  
卷七十五  
卷七十六  
卷七十七  
卷七十八  
卷七十九  
卷八十  
卷八十一  
卷八十二  
卷八十三  
卷八十四  
卷八十五  
卷八十六  
卷八十七  
卷八十八  
卷八十九  
卷九十  
卷九十一  
卷九十二  
卷九十三  
卷九十四  
卷九十五  
卷九十六  
卷九十七  
卷九十八  
卷九十九  
卷一百



宣和奉使高麗圖經卷第九

儀物一

臣聞諸蠻之國雖有君長其出入則不過以旌旛十數自隨與其臣屬略無分辨惟高麗素通朝聘久被漸摩故其君臣上下動有禮文王之巡行各有儀物神旗前驅甲士塞途六衛之軍各執其物雖不盡合典禮然而比之諸蠻絜然可觀此孔子所以欲居而不以爲陋也況箕子之國而爲聖朝眷懷之厚者乎今併繪其儀物於後

盤螭扇

盤螭扇二製以絳

鄭刻

羅朱柄金飾中繡單螭蜿蜒屈

曲一角無鱗

形實類龍

蓋蛟虬之屬也王行則在前衣

錦袍拒風親衛軍執之燕則立

鄭刻

於庭中禮畢乃退

鄭刻

雙螭扇

雙螭扇四采色裝飾略同單螭但繡形並列行禮則亦以親衛軍執之

繡花扇

三才圖會卷之五  
三才圖會卷之五  
繡花扇二製以絳羅朱柄金飾中繡牡丹雙花扇之形  
制比之螭文其上微窪行禮排立於螭扇之次亦以親  
衛軍執之三色之扇各廣二尺高四尺其筭各長一丈  
云

### 羽扇

羽扇四其製掇拾翠羽編次爲之下以銀飾狀如文禽  
塗以黃金頗覺華采但難於保鄭刻有月久護既二子歲鄭刻有月久  
則羽毛脫落其形上方今當圖其完形如初制而未久  
者庶可考也其制筭長一丈扇廣一尺五寸高二尺行

禮則以金花曲幘脚頭錦衣親衛軍將執之鄭刻此條闕十三字

### 曲蓋

曲蓋二其形六角各有流蘇絳羅被飾上爲明珠金銀閒錯其柄微曲王之出入不覆其下惟以衛軍執之前驅數十步以爲儀式其制高一丈二鄭刻尺廣六尺

### 青蓋

其制

鄭刻云青蓋之制

略同中國絳羅爲裏廣幅垂下復加黃

絲組綬以爲采飾閒常用以紅惟人使至則以青羅罩

之蓋麗人以紅爲最貴非國王不得用今以鄭刻覆蓋



亦恭順聖朝  
謙避使節之一端耳

卷之八

宣和奉使高麗圖經卷第十

儀物二

華蓋

華蓋之制文羅繪繡間錯爲之上有六角各出流蘇狀如珮環五采垂帶相比仍有鸞聲其蓋縱三尺橫六尺長二丈五尺大禮則以金吾仗衛軍執之立於閭闔門外

黃幡

黃幡之制以文羅爲之上繡祥雲其形上銳兩角設流

蘇動搖有聲。幡之首尾通長九尺，闊一尺五寸。鄭刻一丈五尺  
似竿長一丈五尺。大禮則以與華蓋並列，而所執之軍服飾一等也。

### 豹尾

豹尾之制，建於矛上，大小不一，當是隨其獸之形而取之。迎詔則以千牛衛軍執之，在前及門則立於同德昇平兩閒也。

### 金鉞

金鉞之制，略同柱斧。於竿之杪立一翔鸞，行則動搖有



騫騰之勢王行則龍虎親衛軍將一人執之從於後

### 毬杖

毬杖之制以木刻成裹以白金中有小好貫米綬而垂之大禮則以散員校尉十人執之立於會慶殿兩階下

### 旂旒

旂旒之制以絳羅爲之次第相屬繫於竿上又於其杪以白羽爲之飾自羣山島已見之惟領軍執事者各給焉蓋藉以指麾之物此衛軍所以旂頭爲高品也



宣和奉使高麗圖經卷第十一

仗衛一

臣聞高麗王城仗衛比他郡最盛蓋驍勇萃於此當中朝使至盡出之以示榮觀焉其制民十六以上充軍役其六軍上衛常畱官府餘軍皆給田受業有警則執兵赴敵任事則執役赴勞事已則復歸田畝偶合前古鄉民之制初高麗在魏世鄭刻戶不過三萬至唐高宗下平壤收其兵乃三十萬今視前世又倍增矣其畱衛王城常三萬人迭分番以守制兵之略軍有將將有領隊

伍有正步列有等列爲六軍曰龍虎神虎與威金吾十

牛控鶴分爲兩衛曰左衛右衛別以三等曰超軍海軍

猛軍

鄭刻猛軍在海軍前

無黥墨之制無營屯之居惟給使於公

以衣服爲別而已鎧甲上下連屬制如逢掖形狀詭異

金花高帽幾及二

鄭刻三

尺錦衣青袍緩帶垂胯

鄭刻袴

蓋

其國人質侏儒特加高帽錦衣鄭刻以壯其容耳今繪

圖各以名色列於后

鄭刻此條脫三十二字

龍虎左右親衛旗頭

龍虎左右親衛旗頭服毬文錦袍塗金束帶展脚幘頭



略類中朝服度持小旗旆以令六軍蓋軍衛之隊長也  
惟王府之內衛者二人使者至則置一人於鄭刻有仗  
內乘馬前導蓋所以待鄭刻使人而供給皆輟侍王之  
人禮至於此可謂至矣

龍虎左右親衛軍將

龍虎左右親衛軍將亦服毬文錦袍塗金束帶帽頭兩  
脚折而上右勢微屈飾以金花王出入則十餘人執羽  
扇金鉞以從

神虎左右親衛軍

神虎左右親衛軍服毳文錦袍塗金束帶金花大帽仍加  
紫帶繫於領下如紘纓之屬形製極高望之巍然昔齊  
永寧中高麗使至服窮袴冠拒風中書郎王融戲之曰  
服之不衷身之災也頭上定是何物答曰此鄭刻有則序古  
弁之遺像也今觀高帽之制其拒風之俗今猶然也

興威左右親衛軍

興威左右親衛軍服紅文羅袍以五采團花點額爲飾  
金花大帽黑屏束帶王之左右二十餘人出則執螭文  
繡花大扇曲蓋扈從前後常服自龍虎神威以下皆以

紫帽無金飾諸衛中惟此一等人質差偉焉

上六軍左右衛將軍

上六軍左右衛將軍被介冑烏革間鐵爲之文錦絡縫使相連屬自腰以下垂十餘帶飾以五采繡花左佩弓劍拱手鞠躬立於殿門之上惟受詔拜表日會慶殿中門六人兩偏門各四人屹然山立如土木偶恭肅之容亦可尚也

上六軍衛中檢郎將

上六軍衛中檢郎將蓋有功於宮禁者以次遷補玉所

親信賴以保捍內外常服皆紫衣幘頭惟大禮齋祭受  
詔拜表則介冑而出虎釐不加於首而負於背裹紫文  
羅巾飾以珠貝左佩弓劍手執彈弓王行則在前有喧  
嘩鄭列則控弦不發而爲之警人皆肅然飛鳥過則以  
丸擊之夜則秉炬而行巡視不惰嘗疑執彈之義問之  
云取御史彈劾之義耳

龍虎中猛軍

龍虎中猛軍服青布窄衣白紵窮袴復加鎧甲惟無覆  
膊首不施冑背負而行各執小矛上繫白旗大不盈尺



繪雲為飾迎詔入城受詔拜表則在衆仗之後夾道而  
進府會遊觀惟不施甲冑兵仗中獨此軍最衆約三萬  
人

### 金吾仗衛軍

金吾仗衛軍服紫寬袖彩

疑彩字

圍著

鄭刻者

幘頭以采上

東各隨其方之色方為一隊隊為一色間繡團花為飾  
執持幡蓋儀物立於閭闔門外

### 控鶴軍

控鶴軍服紫文羅袍五采間繡大團花為飾上折脚幘

頭凡數十人以奉詔與王與人使私覲往來則奉箱筐

宣和奉使高麗圖經卷第十二

仗衛二

千牛左右仗衛軍

千牛左右仗衛軍服緋窄衣首加皮弁黑角束帶腰有二襜飾以獸文手執小戈上貫一鼓其制如執亦有執畫戟鐙杖豹尾之屬與此服飾皆一等也

神旗軍

神旗軍以皮蒙首上爲木鼻狀獸額示服猛也朱衣短後復加兩襜飾以獸文唯迎詔受禮則陳於前張五方

大神旗載以車軸隨所向安立每車十餘人山路間關突  
兀時方大暑汗流浹背比之他儀最爲勞耳

### 龍虎上超軍

龍虎上超軍服青袍褰衣支羅頭巾前襟與背皆有團  
號其制不一王宮使令咸以龍文餘以盤花悉皆蹙金  
雜作間繡制作精巧館中三節位側布列三二人名曰  
巡邏實察非常也人使出入則亦給使上節十千鄭刻餘人  
以等殺之

### 龍虎下海軍



龍虎下海軍服青布窄衣黃繡盤鵬紅革銅帶執朱柄  
槓順天門守衛二十餘人每至館會則列於庭中酒行  
則聲喏而退東西兩序交互卷行復出門外

### 官府門衛校尉

官府門衛校尉服紫文羅窄衣展脚幘頭右佩長劍拱  
手而立考其所任之職總轄兵階戰陳獲敵首不願賜  
銀者次第遷補以畱王府守衛諸門自會慶門置左右  
親衛將軍外其餘內則廣化外則宣義諸門皆有之至  
於寺觀官府時亦用焉然服與人材皆所不逮當是一

時旋置以他名色人充代非一等品秩也

六軍散員旗頭

六軍散員旗頭自紫燕島方見之亦軍中之總領者展脚幘頭紫文羅窄衣束帶草履手執旗旆仗衛儀物領軍執事每隊各一人行列進退視以爲準正中華人員之類也

左右衛牽攏軍

左右衛牽攏軍服紫窄衣練鵲文錦絡縫烏紗軟絹

刻

<sup>帶</sup>布襦草履以馭衆馬唯使副上節官有之餘皆以龍

虎超軍代之

領軍郎將騎兵

領軍郎將騎兵服飾其等不一凡紫羅戰袍白袴皂履  
文羅爲巾飾以珠貝者皆麗人也至服青綠緊絛大花  
戰袍其袴或以紫或以黃或以皂髭髮而巾制不衰切  
附於頂聞是契丹降卒使副會於王府還至奉先庫前  
岡阜之上見前驅數十騎鳴鸞馳驟跳梁鞍鞞間輕銳  
驍捷意欲耀武島夷僻遠偶有勁卒而急於人知亦可  
笑也

領兵上騎將軍

領兵上騎將軍服紫羅襪衣展脚幞頭右帶虎韞左持  
弓矢兵仗內列凡百餘人分爲兩隊每人使出在前至  
廣化門則下馬止而不入歸館則止於順天外門門疑是外  
行列則極齊飭非比郎騎也



宣和奉使高麗圖經卷第十三

兵器

臣聞范曄書云夷者柢也言仁而好生萬物柢地而生  
出故天性柔順所以不若西戎之喜兵也高麗固箕子  
八條所教之地然其兵器甚簡而疎豈原其性然耶兵  
法曰兵不犀利與徒搏同惟麗人之兵疎簡此所以屢  
爲匈奴所扼而不能與之校雖然異俗器械各有所施  
不可以不知今具其名物圖之於左

行鼓

行鼓之狀稍類雅樂之搏拊也。中腔差長而以銅環飾之。貫以紫帶繫於腰下。軍行則在前與金鈐間擊其節。頗緩金鈐之形與中華制度不異。故略而不圖。

### 弓矢

弓箭之制形狀簡略如彈弓。其身通長五尺而矢不用竹。多以桺條而復短小。發矢鄭刻不候引滿。舉身送之。雖矢去甚遠而無力。殿門守衛仗內騎兵及中檢郎將皆以虎韋而挾之。備不虞也。

### 貫革

貫革之狀略如鞀鼓兩邊皆有皮耳動搖有聲貫於牙上每隊約二十餘人大禮則以千牛左右仗衛軍執之

### 鐙杖

鐙杖之設國王受詔則有之上

鄭刻止

爲馬鐙其竿丹漆

使者前驅千牛衛軍數十人執之王行則在前而鐙以塗金爲飾餘制悉以鐵爲之

### 儀戟

戟有二等會慶門中各列十二枚上下以金銅爲飾形制極大迎詔設燕則兵仗中所列者才及六尺許大抵

略同中華而制作大小不等耳

### 胡笳

胡笳之制上銳下豐其形差短使者初至羣山島巡尉將迎舟卒服青衣而吹之其聲嗚咽不成曲調惟覺羣噪如蚊虻之音迎詔則在前行每數十步輒稍却回面詔輿而吹聲止乃行然後擊鐃鼓爲節也

### 獸牌

獸牌之制木體革鞞繪狻猊狀上施五兩而以雉尾蔽之欲以自障且能刺人而不使之洞見其犀利也然徒



似百戲小兒所執恐不足以禦矢石今高麗兵仗中二  
等皆有之特小大之異耳

佩劍

劍佩之飾形長而刃利白金烏犀間錯海沙魚皮以爲  
鞘旁爲環紐貫以采組或以革帶以象玉珮琕玼之屬  
亦古之遺制也門衛校尉中檢郎騎皆佩之

有若之至下之隱明其心之清純也

然余亦知其言而不知其意也

然余亦知其言而不知其意也

然余亦知其言而不知其意也

然余亦知其言而不知其意也

然余亦知其言而不知其意也

宣和奉使高麗圖經卷第十四

旗幟

臣聞高麗儀制每齋祭祀天則建大旗十面各隨其方之色錯繪神物號曰神旗其制極廣每旗當用帛數匹下以車軸逐車以緋衣仗軍十餘人駕之隨王所在次第安立四面各施大繩以備風勢高十餘丈國人望神旗所植則不敢向唯詔書初入城以至受禮皆特用之蓋尊上命也餘有五方中旗自上羣山島已見之唯紅旗有飾龍虎猛軍甲士所執又有小白旗大不盈掌

繫於矛上略同兒戲今並列於圖云

### 象旗

象旗二其制身與旒皆黑法水數也中繪一象前一胡兒持一金戈復以大繩牽掣其首有左顧之意行則舉其後轅隨地勢扶持而前至行禮之時則依方向建立衆旗之位以黑爲先考之禮經武車綏旌德車結旌則知建旗於車自古已然不特東夷也

### 鷹隼旗

鷹隼旗二其制身與旒皆赤法火數也中繪鷹隼鷹騰



而上有疾而速之意周官鳥隼爲旗今此赤旗用鷹亦  
偶合古制也其行在象旗之次

### 海馬旗

馬旗二其制身與旒皆青法木數也中繪一馬前膊有  
鬣狀如火熾蓋馬火畜也繪於青旗以象木火相生位  
應青龍朱雀二神其行在鷹旗之次

### 鳳旗

鳳旗二其制身與旒皆黃法土數也中繪飛鳳鳳之爲  
物身被五綵位應中宮蓋五行非土不生故五方之色

備於羽毛所宜取象其行在太白旗之次

### 太白旗

太白旗二其制身與旒皆白法金水數也中繪一人金冠玉圭黃衣綠帔以象太白下乘一龜龜有蛇首取其合形蓋金為水母水能生金位應白虎真武二神禮經載國君之行前朱雀而後真武左青龍而右白虎於二旗互見頗合古制其行在馬旗之次

### 五方旗

此方之旗黑色一旒其廣二幅無繪繡之文人使初至

境以迄入城與諸旗爲前導其行無次其建無數以青  
衣軍執之初國信使副依舊例給錦綉閒錯轉光旗四  
十面詔書初入城令舟人執而前導輝映郊野麗人駭  
觀頌目愧其陋焉

南方之旗赤色一旒中繪神人手執木槌差異他者五  
方之旗獨赤旗爲多耳

東方之旗青色一旒中無繪繡廣狹多少與諸旗相對  
西方之旗白色一旒亦無繪繡比之諸旗數目差少  
中央之旗黃色一旒亦無繪繡唯羣山島紫燕島祇通

信使列於海岸則有之又有一等雜采間錯中有轉光  
四角繪雲氣諸州巡尉戰艦邏兵執之

小旗

小旗之制紅旒白身上繪綠雲人使入城國王迎詔則  
龍虎軍數萬人被甲執之夾道而行



